

**BOSNA I HERCEGOVINA
PARLAMENTARNA SKUPŠTINA
PREDSTAVNIČKI DOM**

Broj: o1/2 - 64/199
Sarajevo, 17. maj 2000 godine

ZAPISNIK

sa 11. sastanka

**Komisije o međunarodnim i vanjskim pitanjima
Predstavničkog doma Parlamentarne skupštine Bosne i Hercegovine
održane 17. maja 2000 godine godine**

Na osnovu člana 5. tačke 7. Privremenog Poslovnika o radu Predstavničkog doma Parlamentarne skupštine Bosne i Hercegovine, gospodin Branko Dokić, predsjedavajuće Komisije sazvaio je 11. sjednicu Komisije o međunarodnim i vanjskim pitanjima Predstavničkog doma Parlamentarne skupštine Bosne i Hercegovine.

Sjednici su prisustvovali: g. Branko Dokić, g. Ibrahim Spahić, g. Ivo Lozančić, g. Adnan Jahić, g. Ivo Divković, g. Dragan Mirković, g. d-ja Desanka Radjević i g. Pero Skopljak

Odsutni su bili: g. Zlatko Lagumdžija, i g. Halid Genjac.

Za sjednicu je usvojen slijedeći

DNEVNI RED

1. Usvajanje zapisnika sa 10. sjednice Komisije o međunarodnim i vanjskim pitanjima, održane 15. februara 2000 godine.
2. Razmatranje izvještaja Parlamentarne delegacije BiH u IPU po povratku sa 103. Konferencije IPU u Amanu.
3. Platforma za razgovor prilikom posjete delegacije Komisiji za međunarodne odnose Sabora R Hrvatske.
4. Zauzimanje stava Komisije o tekstu prijedloga poslovnika Predstavničkog doma Parlamentarne skupštine BiH, a koji se odnosi na nadležnosti ove Komisije.
5. Razmatranje prispijelih poziva na učešće u radu međunarodnih skupova.
6. Razno

ZAKLJUČCI

AD 1. Komisija je usvojila zapisnik sa prethodne 10. sjednice, održane 15. februara 2000 godine.

AD 2.

Nakon rasprave koja je vodjena po tački 2. ovog Izvještaja, Komisija je prihvatila Izvještaj i primila na znanje informaciju gospodina Ibrahima Spahića da je prilikom susreta sa gospođom Naimom Heptulla, predsjednicom IPU, parlamentarna delegacije BiH tom prilikom pozvala gospođu Heptulla da u dogledno vrijeme upriliči posjetu Parlamentarnoj skupštini Bosne i Hercegovine.

AD 3.

Nakon što je Predsjedavajući Komisije, g. Brano Dokić obavijestio članove Komisije da je od Sabora Republike Hrvatske lično dobio potvrdu o terminu posjete najavljene delegacije ove Komisije R. Saboru, 01 i 02. juna 2000 godine, Komisija je usvojila prenesenu sugestiju Kolegija Predstavničkog doma da delegacija putuje u Hrvatsku automobilima, te da se od Sabora R. Hrvatske zatraži informacija o predviđenoj dinamici posjete. Takođe je dogovoreno da se od MVP Bosne i Hercegovine zatraži informacija o svim aktuelnim podacima o odnosima BiH i R. Hrvatske i drugim relevantnim podacima, koja će poslužiti kao platforma za posjetu najavljene delegacije Saboru R. Hrvatske.

AD 4.

Konstatovano je da je Poslovnik o radu Predstavničkog doma Parlamentarne skupštine usvojen na današnjoj sjednici Predstavničkog doma te da nema potrebe razmatrati isti, nego dobro proučiti i primjenjivati u daljnjem radu Komisije.

AD 5.

(a) Komisija je obaviještena o najavljenoj posjeti BiH članova Evropskog Parlamenta na 2. međuparlamentarni sastanak EP-Bosna i Hercegovine, 20-21 juna 2000 godine. Usvojen je prijedlog da sastanke sa delegacijom Evropskog Parlamenta vode članovi oba Kolegija i predstavnici stranki koje su zastupljene u Parlamentanoj skupštini Bosne i Hercegovine.

(b) Komisija je primila na znanje informaciju o najavi posjete članova Parlamenta Republike Turske, 24. i 25. juna 2000 godine, povodom održavanja nogometne utakmice (mali nogomet) između parlamentaraca dviju zemalja.

(c) Na primjedbu o donošenju prijedloga i odluka o odazivanju na pozive u radu međunarodnih skupova g. Ivo Divković je postavio pitanje da li je izvršeno konstituiranje četiri delegacije Parlamentarne skupštine BiH u IPU, CEI, Vijeću Evrope i OSCE, te da ukoliko nije to treba biti izvršeno.

(d) Posjeta parlamentarne delegacije Pokrajini Baden Wuerttemberg, SR Njemačka, 28. jula 2000 godine.

Usvojen je zaključak da pored po jednog člana parlamenata koje će odrediti parlamenti Federacije i Republike Srpske, tri člana Parlamentarne skupštine Bosne i

Hercegovine, za posjetu ovoj Pokrajini, budu iz strukture članova Kolegija oba Doma Parlamentarne skupštine Bosne i Hercegovine.

AD 6

(a) Komisija je primila na znanje poziv Parlamentarne skupštine NATO-a koji je upućen gospodinu Ibrahimu Spahiću, prvom zamjeniku predsjedavajućeg ove Komisije na učešće u radu 47. seminara Ross-Roth, koji će se održati u Ohridu, 29-30 juna i 01. jula 2000 godine, i donijela odluku da g. Brano Dokić, predsjedavajući ove Komisije uputi prigovor organizatoru seminara u pogledu slanja poziva na zamjenika predsjedavajućeg Komisije za međunarodna i vanjska pitanja Predstavničkog doma Parlamentarne skupštine Bosne i Hercegovine.

Takodje je razmatran poziv upućen g. Ibrahimu Spahiću, od Parlamentarne skupštine NATO-a u vezi održavanja susreta sa zvaničnicima NATO-a, pod nazivom "Inicijative mladih Parlamentaraca" upućen Parlamentarnoj skupštini Bosne i Hercegovine da odredi svoje predstavnike koji su prvi put naimenovani za članove parlamenta i čija je starosna dob ispod 40 godina.

Obzirom da je materijal tek dostavljen pred sami sastanak Komisije, usaglašeno je da se materijal prvo prevede, dostavi svim članovima Komisije a potom donese stav o odazivanju na predmetni poziv.

(b) Razmatrajući zahtjev poslanika Nikole Špirića da se preispita situacija vezana za protestnu notu Tuirske zbog uspostavljanja diplomatskih odnosa Bosne i Hercegovine sa Kiprom, Komisija je usvojila zaključak da g. Branko Dokić, predsjedavajući Komisije zatraži od Ministarstva vanjskih poslova Bosne i Hercegovine informaciju o ovome pitanju, te da nakon prijemu, ista bude prislijedjena Predstavničkom domu Parlamentarne skupštine Bosne i Hercegovine.

Sekretar

Suada Karović, s.r.

Predsjedavajući

Prof.dr.Branko Dokić